



**R. P. Ferdinandi De Castro Palao, Legionensis Soc. Iesv,
Sacrae Theologiae Professoris, Et sanctae Inquisitionis
Qualificatoris & Consultoris; Operis Moralis, De Virtutibus,
Et Vitiis Contrariis, In ...**

Continet Tractatus De Conscientia, De Peccatis, De Legibus, De Fide, Spe,
Et Charitate

Castro Palao, Fernando de

Lugduni, 1669

§. 2. Qui possint legem abrogare, vel derogare

[urn:nbn:de:hbz:466:1-76540](https://nbn-resolving.org/urn:nbn:de:hbz:466:1-76540)

dispensationem cuiusvis vinculi fieri posse sola interiori voluntate dispensantis. Item hæc reuocatio est iurisdictioni exercitium; sed hoc esse non potest per actus internos. Ergo non potest esse legis reuocatio actu solo interiori. Requiritur ergo, vt aliquo modo iudicis manifestetur: & ita tenent Salas, Azor, Valquez, Suarez, & alij ab eisdem relati supra.

6 Quæ autem publicatio sufficiat, & necessaria sit, prudentis arbitrio est consideranda, & præcipue attendenda est consuetudo, si aliqua sit. Nam cum hæc reuocatio non fiat per legem, non erit necessaria publicatio, quæ ad legem est requisita. At censo debere esse ita publicam, vt facili in omnium, qui lege ligantur, notitiam deuenire possit; neque debere Principem velle aliter legis obligationem definire, quia rectæ gubernationi maximè conuenit, vt sicut omnes simul fuerint lege obligati, omnes simul illa soluantur. Ex quo fit sciendum legis reuocationem non adhuc (soli lege, quovisque reuocatio fuerit publicata, vt communiter in subditorum notitiam deuenire possit, sicuti diximus de lege Pontificia: neque præsumenda est aia voluntas in legislatore ob rationes dictas, dum aliud non exprimit.

7 Secunda difficultas est in abrogatione per legem, quando lex posterior censetur priorem abrogare?

Cui difficultati respondeo primò. Si lex prior generalis erat, & in communi iure inserta, & secunda eadem generalitate loquitur, eo ipso, quo ferrur lex priori contraria censenda est abrogata, neque necesse est prioris mentionem facere. Ratio est, quia Princeps legem posterioriorem ferens, conscius erat legis prioris contrarie: hanc enim ignorare non præsumitur ex c. 1. de consuet. in 6. Sed non obstante illa lege, tulit legem contrariam, ergo voluit illam derogare: sic docent omnes cum glossa in supradict. cap. in leg. sed & posteriores de legibus verbo, nisi contrarietate sit.

8 Limitant aliqui, nisi prior lex firmata fuerit iuramento, de non derogando illam, nisi illius fiat expressa mentio, quia tunc illa lex nouo vinculo est stabilita, ac proinde non est præsumendum contraria legem voluisse Principem abrogare. sic docet Azor 1. part. lib. 5. cap. 6. q. 6. Emanuel Saa verbo, lex, n. 29. in vtraque edit. consensit Bonacina disp. 1. q. 1. punct. ult. §. 1. vers. ego vero. in casu, quo iuramentum non est solum assertorium de presenti, sed promissorium de futuro, scilicet de non reuocando legem: & sumt potest ex his, quæ de reuocatione privilegiorum tradit Suarez lib. 8. c. 14. n. 6.

Placet mihi hæc limitatio ea præcipue ratione, quia tunc non est præsumendum Principem habuisse memoriam legis prioris iuramento stabilitæ; & consequenter procedere reuocatoriæ legem ex ignorantia prioris, ac proinde non habere effectum. Neque obstat iuris communis ignorantiam in Principe non præsumi, cap. 1. de consuet. in 6. quia hoc est generaliter verum, quoties nullum sequitur inconueniens: at in presenti sequitur non leue inconueniens, nisi præsumatur illa ignorantia, quia sequitur Principem violasse iuramentum factum de non reuocanda lege, siquidem illam non relaxato iuramento incredit reuocare: quoties autem duæ præsumptiones concurrunt in vno actu, illa præualere debet, pro qua est honestas, & excludenda præsumptio delictum continens. Neque obstat etiam pro actu valore præsumendum esse, & consequenter pro lege posteriori, vt multis relatis docet Menochius de præsumpt. lib. 6. tota præsumpt. 4. quia, vt ipsemet Menochius supradicta præsumpt. num. 50. affirmat, non procedit hæc præsumptio de valore actus, quando repugnat mens disponentis, quæ omnino offenderet, si sumeretur interpretatio validitatis actus. At in presenti clarum est offendi Principem, si præsumatur sciens iuramentum à se factum de non reuocanda lege, nisi illius mentionem faciat, illam reuocare, nulla prioris facta mentione, nec relaxato iuramento.

9 Dixi posteriorem legem abrogare priorem, dummodo priori contraria sit, nam si aliquo modo excusati potest contrarietas, legem correctio, quoad fieri possit, vitanda est, ex leg. vltim. Cod. de appellat. c. 1. c. de inefficacis actib. c. ex cap. cum expediat, de elect. in 6. c. ex cap. v. um dilectus, de consuetud. & tradit Bart. l. si constante ff. soluto matrim. n. 39. & pluribus relatis Tiraquel, in præfat. num. 62. Et ratio est, quia mutatio legum damnosa est reipublicæ, per se loquendo; quapropter fieri non potest, nisi vbi vngens necessitas vel utilitas interueniat, vt colligitur satis ex supradictis textibus.

Aliqui hæc doctrinam extendunt, vt procedat etiam, si ad hæc correctionem vitandam, fuerit necessarium verba legis correctoriae improprie: sic docent alios referens Sanchez lib. 1. de matr. disp. 17. n. 6. Gutierrez lib. 3. prætic. quæst. 15. n. 34. At hæc extensio mihi absolute non probatur, quia aliis nihil esset firmum in legibus, solum enim verba improptanda sunt, vt curetur aliqua iniquitas, & iniustitia, vel saltem ne dispositio iniustis, & illuoria reddatur, vt bene tradunt Felinus, Panormit. & Decius in cap. 1. de consuet. Bart. in leg. omnes populi, ff. de iustit. c. iure, n. 57. c. 58. Suarez lib. 6. de legib. cap. 27. num. 11. Salas disp. 18. sect. 6. n. 15. & sumitur ex glossa, non possunt ff. de legibus.

10 Dico secundò, si lex specialis, aut generalis abroganda

extra ius commune sit, tunc per posteriorem legem contrariam non abrogatur, nec derogatur, nisi illius saltem in genere faciat mentionem, quia non præsumitur edita ex scientia prioris legis, eo quòd ea quæ sunt extra ius commune, ignorantur à Principe præsumatur ex d. c. 1. de consuet. in 6. tradit Suarez n. 12. Salas sect. 6. circa finem.

11 Dico terciò, si lex abroganda in iure communi inserta specialis sit pro aliquo loco, vel specialis aliqua materia per posteriorem legem vniuersalem, non censetur abrogata, nisi illius meminerit, sed potius ex illa lege lex vniuersalis debet limitari seu derogari. Tum quia est regula communis: generi per speciem derogatur, vbi glossa communitate recepta explicat, etiam si species præcedat: tum quia vtraque lex potest subsistere. Ergo credendum est ita principem voluisse: tum denique, quia derogatio legis est vitanda, quoad fieri potest, sed in presenti vitari potest, affirmando posteriorem legem vniuersalem ferri cum illa tacita limitatione, & exceptione prioris legis; ergo ita interpretandum est: sic docent Bart. Abbas Iaf. Decius, Bald. & alij plures relati Sanchez lib. 2. de matr. disp. 24. num. 6. & addit hoc esse verum, etiam si lege noua sit clausula. Non obstante, debet enim (inquit) intelligi lege contraria, quia non possit cum precedenti sustineri per aliquam limitationem, seu distinctionem, idem tradit Suarez, & Salas supra. Anton. Gabr. tom. 2. comm. lib. 10. verbo lex, fol. 50. Azucud. lib. 5. recopil. tit. 4. l. 1. n. 52. Matienz. ibi glossa 3. n. 11. c. tit. 11. l. 1. glossa 8. n. 36. in princ. & alij plures, quos ipsi referunt.

§. II.

Qui possint legem abrogare, vel derogare.

- 1 Qui illam tulit, & eius successor illam abrogare potest.
- 2 Inferior non potest legem superioris abrogare.
- 3 An inferior in suo territorio possit superioris legem abrogare? Proponitur dubitandi ratio.
- 4 Communis sententia hæc potestatem in legibus ciuilibus admittit, non in canonicis.
- 5 Nullus inferior potest, sine pura derogatione, sine statuto contrario superioris legem abrogare.
- 6 Satisfit rationi dubitandi.
- 7 Statuta confirmata à superiore, possunt inferior illa condere reuocare? Negat communis sententia.
- 8 Qua ratione hæc communis sententia vera sit, exponitur.
- 9 Possunt Episcopi abrogare constitutiones factas in Synodo diocesana? Proponitur dubitandi ratio.
- 10 Cetero probabilis potest.
- 11 Satisfit argum. num. 9. adductis.

1 Certum est legem reuocari posse ab eo, qui illam tulit, vel ab eius successore, qui eandem cum legislatore, habet potestatem, vel à superiore illorum. De legislatore constat quia dependet ab eius voluntate. De successore idem probatur, quia habet cum illo eandem potestatem. Item, quia nullus suo successoris aequali prohibere potest abrogationem legis à se factæ, sicut nec sibi prohibere potest. Quia pat in patrem non habet iurisdictionem. De superiore autem idem constat, quia habet vniuersaliorum iurisdictionem. Qua ratione Pontifex sæpe leges ciuiles abrogauit, eo quòd bonis moribus contrarie fuerint, vel præiudicauerint libero vsui sacramentorum, & dispositioni rectæ piarum causarum, & aliorum bonorum Ecclesiasticorum, quia ob huiusmodi titulum, superior est Pontifex quolibet legislatoris ciuili, vt rectè multis exemplis confirmat Azor 1. part. lib. 5. cap. 20. c. seqq. docet Suarez lib. 6. cap. 26. numero 3. Salas disp. 18. sect. 4.

2 Secundo certum est inferiorem non posse legem superioris abrogare, quia superior potestas non subditur inferiori, ex cap. cum inferior, de maior. c. obediens. & habetur Clement. in Romanis, de elect. Ex quo fit neque Episcopum abrogare posse legem Pontificiam, neque Concilij provincialis, quia huiusmodi leges latæ sunt à superiore. Item Episcopus solum habet iurisdictionem in sua diocesi, extra illam non habet: leges autem Pontificiæ, & Synodi provincialis obligationem inducunt non solum pro sua diocesi, sed etiam pro aliis. Ergo Episcopus non potest illarum obligationem tollere, sic omnes supponunt, quos superuacaneum est recensere.

3 Difficultas autem est, an inferior habens potestatem condendi legem in suo territorio, possit legem condere contrariam legi vniuersali superioris, vel illam pro suo territorio abrogare? Ratio dubitandi est quia inferior ea de causa habet potestatem dispensandi in lege superioris; Episcopus, inquam, in legibus Pontificiis, & magistratus in legibus regijs; quia pertinet hæc potestas ad rectam, & suauem suæ ditionis gubernationem. Sed etiam ad rectam, & suauem ditionis gubernationem pertinet habere potestatem derogandi leges superiores, cum sæpe lex vniuersalis in aliqua pronuncia minus utilis, vel potius damnosa iudicatur. Ergo gubernator illius pronuncie potestatem habere debet impediendi illius obligationem.

Et confirmari potest hæc ratio ex pluribus statutis municipa-

4. Communis sententia admittit hanc potestatem in ciuili-

5. Nihilominus tenendum est nullum inferiorem posse super-

6. Neque obstat ratio dabitandi. Nego enim inferiorem habere de potestate dispensandi in lege superioris;

7. Secunda difficultas est. an statuta confirmata à superiore, possit conditor illorum abrogare.

8. Tertia difficultas est, an Episcopus, vel Archiepiscopus abrogare possit constitutiones à se factas in synodo diocesa-

9. Tertia difficultas est, an Episcopus, vel Archiepiscopus abrogare possit constitutiones à se factas in synodo diocesa-

Communis sententia docet reuocari non posse, quia per illam factæ sunt leges superioris, siquidem autoritate illius sunt roboratæ: illa enim nostra facimus, inquit Pontifex, in c. se Apostolica de prebend. in 6. quibus authoritatem imperitumur.

Hæc tamen communis sententia vetissima est, casu quo Princeps addiderit in confirmatione clausulam illam, ut si quidquam contra fieret, non valeret; tunc enim ipsi statuti habent tollitur, ne contra statutum sic confirmatum procedant; habetur expressè cap. delicto, de prebendis, & notat glossa ibi. Suarez lib. 6. de legibus, cap. 26. n. 24. Salas eius verba transcribens disp. 18. sect. 5. n. 11.

At si princeps illa verba non addiderit, sed solum confirmationem simplicem apposuerit, non caret difficultate illa communis sententia; potest enim confirmatio superioris expostulari, & fieri ob quandam autoritatem, & specialem splendorem; qui ex approbatione superioris aduenit statutis sic confirmatis, & non ob specialem aliquam vim obligandi. Ergo cum non constet esse peccatum hæc nouam obligationem, non debet censeri à Principe concessa; tum quia inducere nouam obligationem, odiosum est; tum quia Princeps si velit inducere obligationem legis communis, poterat adde illa verba, cap. delicto, ut si quid contra fieret, non valeret. Ergo cum non addit, censetur solum statuta approbare iuxta illorum obligationem, non nouam inducere. Quapropter censeo, quod si statuta respiciunt commodum statuendum, eiansi à Sede Apostolica confirmata sit, confirmatione, inquam, simplici, posse derogari, seu abrogari ab statutibus; quia non debet præsumi superior velle inuito beneficium conferre, & ad fauorem recipiendum obligare nolentem; sic glossa in d. c. dilecto filio, de prebendis, verb. huiusmodi clausula, & tradit Suarez, & Salas sup. Emanuel. Saa in vtraque editione num. 30. ibi contra statutum etiam à Principe confirmatum possunt facere statuentes, si est principaliter in eorum fauorem, quia tunc confirmatio habet vim priuilegij, cui potest renouari.

Verum si statutum eo si inuatum à Principe non tam sic in fauorem statutentium, quam aliorum, pro quibus statutum, censeo distinctione esse vtendum, si scilicet confirmatione Principis habebat vim obligandi, eo quod conditor statuti iurisdictionem habebat imponendi obligationem, & statuta condendi, regulariter confirmatio ob autoritatem, & honorem expostulatur. & sic censenda est concedi, dum aliud non constat, ac proinde poterit statutum abrogari à conditore, ac si confirmatum non esset, sic docet Bald. lex placito, C. de reum permittit, de n. 22. & seq. Barr. in homines populi, ff. de iust. & iur. num. 33. Suar. num. 22. Si autem conditor statuti in bonam aliorum potestatem non habet obligandi illos, pro quibus statutum conditur, ut sunt plurimæ communitates statuta condentes, tunc certe præsumendum est confirmationem expostulari, ut legem à superiore; siquidem ipsi statuentes, legem facere non possunt, & superiorem ita concedere, sic Suarez num. 25. Salas illa sect. 5. sine. Qua confirmatione posita non poterit statuti conditor statutum derogare, quia non potest legem superioris derogare. Non nego tamen posse aliquando confirmationem expostulari etiam in his statutis ob autoritatem, & non ob obligationis impositionem. Sed dico hoc non esse præsumendum, nisi clare constet; quia consuetudo, & communis usus declarauit hanc confirmationem pro obligatione sibi necessaria expostulari; siquidem ex se non habent vim obligandi.

9. Tertia difficultas est, an Episcopus, vel Archiepiscopus abrogare possit constitutiones à se factas in synodo diocæsana? Videtur non posse, primò, quia constitutiones sic factæ vim habent ab Episcopo, & à clericis ibi congregatis: omnes enim ibi habent suffragium decisiuum, ut docet Imola cap. graui n. 22. de prebend. ad finem. Ergo non potest solus Episcopus eas abrogare, quia non est solus eorum legislator. S. cundò, quia Episcopus non est superior in synodo: est enim pars illius, sicut Decanus est pars Capituli Ecclesiæ Cathedralis. Ergo non potest abrogare statutum factum à Synodo. Tertio, quia ipsemet Episcopus legibus, & constitutionibus synodalibus actatur, ut docet Medin. 2.2. quæst. 96. ar. 5. dyb. 2. concl. 1. Gallego de cognat. spirit. cap. 21. n. 18. Manuel 1. tom. summo. in 2. edit. cap. 237. n. 1. sine. Vega 1. tom. summo. cap. 88. casu 2. fin. Quarto. Nam etiam si Episcopus solus sit, qui in synodo diocæsana habet potestatem condendi statuta & clerici ibi congregati sciam præstant consilium; hoc tamen efficere videtur, ut absque illorum consensu abrogari non possit, quia statutum factum de consensu aliquorum transit in contractum, ac proinde non potest sine simili consensu reuocari, ut tenet Barr. in l. omnes populi, n. 29. vers. distingue, ff. de iust. & iur. Alexand. R. 3. conf.

DE
ASTRO
PALA
TONI
LIBR
E

6 n. 101. n. 1. vers. & idem tenet. lib. 1. Barbatus consil. 1. n. 12. vers. ego sequitur. lib. 4. Cardin. consil. 85. n. 4. vers. illud statum Felin. in c. 1. n. 19. vers. alia. cap. 1. de consil. Et quibus omnibus videtur inferri non posse Episcopum abrogare constitutiones factas in Synodo diocesana, nisi ipsa Synodus consentiat, & ita tenet expresse Gallego. Man. Veg. supra.

10 Nilominus probabilis censo posse Episcopum inconsulta Synodo constitutiones synodales abrogare, si id viderit expedire (ratio tamen id expedit) sic colligitur ex Navar. sum. cap. 25. n. 74. & cap. 1. n. 4. de finem. Azor illum referente lib. 5. in tit. cap. 15. q. 3. Jauch. lib. 8. de matr. disp. 27. n. 3. Barbosa de potest. Ep. cap. 2. p. allegat. 34. n. 3. Hi omnes docent Episcopum dispensantem in constitutionibus synodalibus absque causa valide dispensare, quia dispensat in constitutionibus a se solo factis: nam clerici, & patochi in Synodo congregari non faciunt constitutiones, sed solum præbent consilium ad illas faciendas, non ex necessitate, sed ex utilitate, & convenientia, ut prudentius Episcopus procedat. Ex qua ratione fortiter posse Episcopum tales constitutiones abrogare, cum ab eius voluntate solum dependeat.

11 Neque obstant argumenta contraria. Ad primum nego habere votum decilium clericos ibi congregatos, cuius non leat iudicium cum solum Episcopum constitutiones subscribere, absque vlla clericorum mentione.

Ad secundum concedo Episcopum esse partem Synodi, & caput illius, & illius superiorum habentem iurisdictionem legislativam, & coercitivam, quam non habet Decanus respectu Capituli, solum illi conceditur potestas congregandi Capitulum, proponendi, & reuolendi, quod pro maiori parte fuerit decilium.

Ad tertium negamus Episcopum auctori constitutionibus synodalibus alio modo, ac auctori suis constitutionibus a se factis, quibus solum ex quadam d. c. c. obigatur.

Ad quartum respondeo cum Roia tom 3. de consensu, Farinazij de iur. 34. d. n. 3. pag. mibi 31. negando statutum factum de consensu aliquorum transire in contractum, quando consentiens non exspoliatur, ut necessarius, & quando consentientes non tribuant aliquid statuti, sicut tribuant forenses venientes ad habitandum in aliquo loco, eo quod illis immunitas concedatur, si venerint, aduentus enim illorum, est quasi quædam illorum donatio, qua facta reuocari non potest statutum, ve bene tradit Bart. in l. quod semel numero 1. vers. ex quo habet. ff. de decimis ab ordi. facienda. At in supradicta Synodo, neque consensus clericorum, qui ibi congregantur, est necessarius, neque aliquid Episcopo tribuant, aut recipiunt; sed solum se habent, sicut populus qui legem Principis acceptat, vel sicut Regis consiliarij, qui consilium præbent Regi, illamque instruant in lege ferenda, a quibus tamen Rex non necessariò dependet; neque in constitutione legis, neque in illius abrogatione. Sic est dicendum de Episcopo in Synodo diocesana.

P V N C T V M III.

De interpretatione legis.

Interpretatio nihil aliud est, quam declaratio legis ad illum casum esse, vel non esse extensam. Dupliciter autem hæc fieri potest, vel ab ipso legislatore, vel a viuis doctis. Si fiat a legislatore, quatenus talis est, vocatur interpretatio authentica. Si fiat a viuis doctis, vocatur doctrinalis declaratio, de quibus glossa in l. si de interpretatione, ff. de legib. Syluest. verbo interpretatio m. 1. Tabiena Angel. Saaz. & alij Summis ibi. Decios & Panormit. cap. 1. de postul. prelat. Ut autem cognoscas, quando lex per interpretationem cesset, oportet examinare.

Qui possint legem interpretari, & quo casu interpretatio illis licita sit.

Secundò quæ regula seruandæ sint in interpretatione facienda.

Tertiò ad quos casus lex extendi, vel coarctari debeat.

§. I.

Qui possint legem interpretari authentice.

- 1 Solus conditor legis, vel illius successor, aut illorum superior potest.
- 2 Proponitur obiectio. Soluitur. Declaratur hæc interpretacionem publicandam esse, sicut & legem.
- 3 An declarationes Cardinalium circa Tridentini decreta vim legis habeant? Proponitur non habere.
- 4 Si publicata sint, vim legis habent.
- 5 Si publicata non sint, tamen si de illis authentice constat, non habent vim legis. Qui consensit.
- 6 Probabilius videtur oppositum.
- 7 Iudicibus inferioribus non licet legem authentice declarare.

1 Respondeo solum conditionem legis aut illius superiorum, & successorem cum interpretari posse: quia solus ille est qui potestatem habet obligandi per illam legem, ac proinde inducendi ex eius declaratione obligationem consistit ex l. fin. Cod. de legibus, ibi leges sicut Imperatori concessum. ff. de leg. interpretari solo signum imperio esse oportet, l. in vltima ff. de præs. s. p. l. n. 1. qu. 1. & cap. inter alios, de sentent. excommunic. & alius que referuntur a glossa in reg. contra iura de reg. iur. in 6. Azor tom. 1. lib. 5. c. 16. q. 16. Salas de leg. disp. 2. sect. 2. suat lib. 6. c. 1. n. 1.

2 Dices mentem cuiuscunque sibi soli notam esse; ergo solus, qui condidit legem, potest illam certò, & infallibiliter declarare. Ergo non successor, neque eius superior. Hi enim solum illius mentem coniectari possunt.

Respondeo successorem, vt superiorem legislatoris, cum legem aliquam declarat authentice, non tam declarat intentionem personalem primi conditoris, quam sensum, in quo debet lex deinceps recipi, & obseruari. Et licet huiusmodi sensus forte sit extra mentem primi conditoris, non tollit, quominus dici possit illius legis declaratio, quia in illa lege fundatur. Debet autem hæc declaratio publicari ea solemnitate, qua lex a aliis non erit authentica, neque legis obligationem habeat, sed solum erit declaratio doctrinalis, sicut cuiuslibet alterius viui docti, grauioris tamen auctoritatis, sic Suarez lib. 6. c. 1. n. 3.

Dixi, solum conditorem legis, eius successorem, aut superiorem posse legem interpretari authentice, quia nullus alius in actum superioris habere potest iurisdictionem, sic omnes.

At dubium est, sine aliquibus commissis hæc potestas saltem pro aliquo casu?

Et dubitari potest primò de congregatione Cardinalium designata ad declarandam Concilium. Secundò de iudicibus inferioribus.

3 Circa primum de congregatione Cardinalium extat Bulla 7. Sixti V. edita anno 1588, quæ incipit In mensa. In qua postquam sibi Pontifex referuauit potestatem congregandi Concilium, & res fidei definiendas, subiungit. Cardinalibus vero presentibus interpretationi, & executioni Concilij Tridentini, si quando in his, que de morum reformatione, disciplina, ac moderatione, & Ecclesiasticis iudiciis, & alijs, qua humana statuta sunt, dubitatio, aut difficultas emerit, interpretandi facultatem (non tamquam consulti) impartitur. Ex quibus verbis constat supradictæ congregationi commissam esse hanc facultatem interpretandi leges Concilij Tridentini: illa tamen conditione, vt summus Pontifex consulatur. Hinc ergo oritur dubium, an declarationes huius sanctæ congregationis, quæ passim circulerunt, vim legis habeant, vel solum sint quedam declarationes doctrinales, magni ponderis, & auctoritatis?

Videntur quidem, vt doctrinales habendas esse. Primò, quia ratio hæc sanctæ congregacione Pontificem consiliat: vt testatur Salas disp. 2. sect. 2. pag. 566. vbi ait: Illud verò ex declarationibus impressis, & manuscriptis patet, quod congregatio non semper, sed in raro casu, & in grauioribus, & difficultibus dubijs summum Pontificem consulere solet. Si ergo non feruatur conditionem, sub qua potestas declaratoria illi est concessa; non debet conferri eius declaratio vim legis habere. Secundò, quia huiusmodi declarationes fieri inter se pugnant, vt notauit Suarez tom. 4. in 3. p. disp. 2. n. 6. Ergo nulla est authentica, quæ enim ex illis, est authentica interpretatio: non prior: alius non succederet secunda illi contraria. Non secunda, quia non habent potestatem derogandi legem, sed interpretandi factam. Ergo nulli illarum declarationum est necessariò standum. Tertio, si declarationes huius sanctæ Congregationis vim legis haberent, deberent solemniter publicari, sicut & communiter dicitur de declaratione authentica ipsius legislatoris: et hæc declarationes nec typis mandantur, nec à Pontifice mandantur publicari. Ergo signum est vim legis non fortiri. Quarto, quia multitudine legum, & obligationum vitanda est, quoad fieri possit: at si declarationes Cardinalium vim legis haberent, innumere essent leges Ecclesiasticæ, prout innumera sunt responsa huius sanctæ congregationis. Ergo dicendum est solum esse declarationes doctrinales: & ita tenet Sanchez libro 8. de matr. disp. 2. n. 10. circa finem. Vasquez idem sententia videtur 1. 2. d. p. 277. cap. vltim. Navar. relatus à Salas disp. 2. de legibus, sect. 9. numero 4. docet his declarationibus non esse standum.

4 Pro resolutione aduertendum est nos loqui posse de his declarationibus, antequam promulgentur, vel facta illarum promulgatione. Et quidem si aliquæ sint solemniter promulgatæ, nemini esse potest dubium vim legis habere, quia concurrunt in eis omnes conditiones quæ pro legis constitutione sunt requisitæ, scilicet potestas, & promulgatio.

Neque obstat, si dicas potestatem esse datam ad declarationem doctrinalem, non legislativam: vt sentit quidam vir doctissimus tacto nomine relictus ab Emanuel Rodtq. 1. tom. 99. regul. q. 11. art. 2. Quis ad hæc doctrinalem declarationem non indigebat Cardinales potestatem concessa. Ergo dicendum est potestatem pro declaratione legislatiua illis datam fuisse. Item eadem congregatio censuit hæc declarationes eam vim habere,